



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Regale Sacerdotivm

Besse, Pierre de

Coloniae Agrippinae, 1615

Cap. 16. Sacerdotes vigilant, quotidieq[ue] conscientiam examinent.

[urn:nbn:de:hbz:466:1-54698](https://nbn-resolving.org/urn:nbn:de:hbz:466:1-54698)

Verum ieiunium quod fit, Isidorus lib. 2. de sumis bon. s. 44.

Tunc verum & perfectum ieiunium est, quando exterior homo ieiunat, & interior interim precibus incumbit: tunc enim oratio celos penetrat, cum ieiunium comitem habet; tunc quoque homo spiritualis penitus redditur, Angelis quae proxime accedit, liberiusque se cum Deo coniungit. Adhuc ut ieiunia bonis operibus stipata Deo gratissima sint; at qui a cibis abstinere, & vitam improbandam agunt, daemones imitantur, quibus esca non est, & nequitia semper est. E quibus omnibus concludo, Sacerdotes, tum animo tum corpore ieiunandum esse, atque a cibis abstinendo simul & a vitijs abstinendum: atque hic status est vitae religiosae.

### CAPVT XVI.

*Sacerdotes vigilent, quotidieque conscientiam examinent.*

Dauid singulis noctibus vigilabat. Psal. 78.

**D**avid Rex virtutis & sanctorum exercitiorum studiosus quam qui maxime, regni negotia seponens de se ipso testatur, *Meditatus sum nocte cum corde meo, & exercitabar & scopebam spiritum meum.* si res negotijs pressi, & rerum quotidie in regni administratione occurrentium mole fatiscientes, conscientiae statum ita excutiebant, quid Sacerdotes procul a mundi turbine sequestrati, & a negotijs saeculi liberi, facient? an non illorum est facta cogitataque excutere, meditationi incumbere, vitam spiritualiter instituire, singulasque noctes vigilando orandoque traducere?

Psal. 118.

Idem quoque alio in loco ait, non modo de die tui recordatus sum Domine, sed memor etiam sum nocte nominis tui, & custodivi legem tuam; id est media

media nocte ad te celebrandum dilaudandum-  
 que surrexi. Sacerdotes, qui reges quidam spi- Sacerdotes  
 rituales sunt hoc modo vitam instituere par nocte De-  
 est, nec illis sufficiat Deum toto die deprecari, um dilau-  
 sed de nocte quoque illum laudent, & in tene- dent.  
 bris, velut in umbraculo, diuinum sibi numen  
 propitium reddant.

Nec facis illi id fuit fecisse, sed eodem quoq; *Psal. 133.*  
 ceteros omnes inuitauit dicens, *In noctibus ex- Sacerdotes*  
*sultate manus vestras in sancta, & benedicite Do- cor & ma-*  
*minum.* Sacerdotibus hoc dictum est, quorum nus de no-  
 est, etiam noctu cor & manus ad Deum sustol- cte ad De-  
 lere, inque lunæ splendore Deo benedicere. lant. sustol-  
*lant.*

Eandem adhortationem etiam adhibet Ie- *Thren. 2.*  
 remias dicens, *Consurge, lauda in nocte in prin- Vigilant*  
*cipio vigiliarum: effunde sicut aquam cor tuum & orent*  
*ante conspectum Domini, leua ad eum manus tuas pro anima-*  
*pro anima paruulorum tuorum qui defecerunt in rum sa-*  
*lute.*  
 sime. Vobis hoc occino, Sacerdotes: vos enim  
 vult noctu de strato surgere, oculos adaperire,  
 manus sursum sustollere, assiduoque pro ani-  
 marum salute deprecari.

*Vigilate & orate* (ait discipulis dormitanti- *Vigiliae &*  
 bus Dominus) *vt non intretis in tentationem.* E- *preces ten-*  
 docere ita volebat, vigilias & orationes infi- *tationes*  
 nitè necessarias esse, atque in primis Sacerdo- *impedi-*  
 tibus, vt ita tentationibus resistent, atque om- *unt.*  
 nem infernalem imperum propulsent. *Matth 26-*

*Vigilate,* ait alius Euangelista, *videte, orate.*  
*nescitis enim quādo Dominus domus veniat, serò an Mar. 13,*  
*media nocte; an gallicā tu, an mane. ne, cū venerit Sacerdotes*  
*repente, inueniat vos dormientes.* Vobis eadem vigilantes  
 Christus insurrat Clerici, vigilate & excubate Dominum  
 in Ecclesijs vestris, nescitis enim quādo magnus semper ex-  
 ille magister vêturus sit, an in vespera senectutis spectent.

T

an sub

an sub auroram iuuentutis, an verò in meridiano virilis ætatis calore: vigilate inquam, ne vos stertentes & sopore distentos inueniat.

**LUC. 12.**  
Qui vigilant Apostolorum imitatores.

**Apoc. 3.**  
Dormientes à diuini iudicij præueniuntur.

**Iacob præfulum imago.**  
**Gen. 31.**

**Prælati qui super gregem Christi non excubant, mortem merentur.**  
**1. Reg. 26.**

*Vigilate*, ait D. Lucas, *omni tempore orantes* quod benè exponendo dico, illos veros Apostolorum imitatores esse, semper qui vigilantes & vigilias suas precibus exornant.

*Si non vigilaueris*, interminatur in Apocalypsi Dominus, *veniam ad te tamquam fur, & nescis qua hora veniam ad te*. Hæc etiam præhorrescite Sacerdotes, & cogitate vos, si non vigilaueritis, sed somno sepulti altum dormaueritis, à diuina iustitia inopinantes nihil minus cogitantes opprimendos.

Iacob Patriarcha soceri sui Labani ingratitude coarguens, & obsequia quæ tanto annorum spatio in illum contulerat, recensens, vigilias suas illi imprimis retulit: Quid, inquit, hæccine merces tot tantorumque laborum hæccine remuneratio tanti sudoris? *Die nocte æstu vrgebar & gelu, fugiebat somnus ab oculis meis*, tuasque vt oues conseruarem nullo tempore, etiã nocte intempesta excubauit. Hæc enim prælatorum speculum; horum siquidem et noctu & interdiu excubare, varias molestias sustinere, gregem Christi tueri, & nunquam in officij sui functione indormiscere.

Dauid elanculò Saulis castra explorator ingressus, regiumque schema exutus, excubitorum omnes stertentes inuenit, Abnerem militarium præfectum ceterosque duces acriter correxit puit dicens, *Viuit Dominus, quoniam filij mortui estis vos, qui non custoditis Dominum vestrum Christum Domini*. Hanc historiam velut allegoriam

ricam enodans aio, Sacerdotes & Episcopos, qui inimicum in Ecclesiae castra ingredi sinunt, virtutesque quae fidelium arma sunt, diripere, animasque voluptatibus ac delicijs indormiscentes discrimen adire, morte dignos esse, tantaque functione dignitateque indignos.

Prælati sunt custodes vinearum Ecclesiae.

Sponsus ille in Canticis dignitatē & functionem suam recensens, ait se constitutum esse custodem in vineis, ad perpetuū vigiliis agendas, *Posuerunt me custodem in vineis.* Mystice hoc explicurus, dico vinea designari Ecclesiam, eius autem custodes & excubitores esse Sacerdotes & Præsules: quare semper vigilent, impediuntque ne hanc hereditatem animalia & fera depascant.

Cant. I.

*Super muros, tuos,* ait per Isaiam Deus, *Hierusalem constitui custodes, tota die & tota nocte in perpetuum non tacebunt,* impediuntque ne quis vallum tuum transcendat. solet in sacris Literis Ierosolymæ nomine Ecclesia denotari, custodes autem in muris constituti, sunt Sacerdotes & Episcopi, illo autem loco eos Deus constituit, semper ut vigilet, & explorent, num inimicus in procinctu sit, ut inclament si quod imminere discrimen viderint, impediuntque ne quis ad muros accedat, adeo ut perpetuū vigilandum sit.

Episcopi Ecclesiae excubitores. Isai. 62.

David ad regiam dignitatem promotus tantam subditorum curam habebat, regni que negotia tam gnaviter administrabat, ut diceret, *Deus meus, ad te de luce vigilo,* id est, iam inde ab eo tempore quo me ad regnum vocare dignatus es, non dormio, non quiesco, imo ne de nocte quidem, sed summo mane expergefactus ad te exclamo, precesque meas ad te dirigo. Qui

David mane surgebat ad orandum. Psal. 62.

T a verò

verò ad Sacerdotium, regnis omnibus eminentius vocatus est, tanto animarum iuuandarum ardore flagrare deberet, Ecclesiæque negotia tam gnauiter & sedulo administrare, noctes & dies vt vigilare deberet, summoque mane surgendo, ad regis huius exemplum coram Deo prosternere, suasque illi preces offerre.

Isaias manè surgebat & vigilabat de nocte

Hoc autè modo Isaias Propheta se vixisse ait. *Anima*, inquit, *mea desiderauit te Deus meus nocte, sed & in Spiritu meo in precordijs meis manè vigilabo ad te.* Prophetam hunc imitari deberet bonus Ecclesiasticus, inque anima singulis noctibus Deum quærere, ei que summo manè vota offerre, coram maiestate illius vigilando, non verò in multam lucem stercendo.

Qui vigilias amat, cordatum se ostendit. Eccles. 39.

Sapiens probum virum ei usque merita describens, inter cetera in eo laudat, quod in vigilis sit assiduus, dicens, *Cor suum tradet ad vigilandum diluculo*, aliisque dormientibus animo vigilabit. Sacerdos igitur sapiens ac probus est qui libenter vigilat, & improbus è contra & insipiens, qui somno deditus, in lectulo ad meridiem vsque decumbit.

Prælati vigilantibus virgæ Ieremiæ collati. Thren. 1.

Inter cæteras visiones, virgam vigilantem vidit Ieremias, virgam oculatam & circumspicientem, *Virgam vigilantem ego video.* Equidem aliorum interpretum expositioni innixus dicere ausim, mystica hac virga Sacerdotes & Præfules denotari, quorum est virgarum instar peccata castigare, animas gubernare: sed virgarum oculatarum & vigilantium; horum enim partes

Leones oculis apertis dormiunt.

sunt oculos semper patentes, & diligentem Ecclesiarum curam habere.

In magnifici templi à Salomone constructi fabrica circum mare æneum fusile boues & leones

leones & Cherubim effingi voluit Deus, Et in-  
ter coronulas & plectas, leones & boues & Cheru-  
bra. Ingens mysterium, cuius hic est sensus, Sa-  
cerdotes & pastores qui in medio Ecclesie, ve-  
lut eximia quaedam picturae sunt, Cherubino-  
rum instar esse doctos, ac bouum instar laborare,  
leonum instar vigilare debere; leones quippe  
oculos nunquam claudunt, & quamuis dormi-  
ant interdum, non ideo tamen palpebras oc-  
cludunt.

Quam merito Ionas reprehensus fuit, quam  
grauē delictum admisit, quod grauissimis tem-  
pestatibus agitata naui & nautis perplexis, non dormien-  
tibus laborauerit, auxilium caeleste non implora-  
rit, sed in nauis fundo dormierit securus; Et compara-  
ta est tempestas magna in mari & nauis peri-  
culis datur conteri, &c. & Ionas descendit ad inte-  
riora nauis, & dormiebat sopore graui. similem  
haud dubie sacerdotes & Praefules errore com-  
mittunt, dormitionique huic perfimiles sunt, cum  
tempestatibus & persecutionibus Diui Petri  
cymbam circumfremantibus exagitantibus-  
que & salute animarum in communi naufragij  
discrimine versante, intra voluptatum latebras  
delitescunt, deliciis indormiscunt, cum remi-  
gare potius, aduersus peccata debacchari, ha-  
ereses exagitare, Euangelium tueri in Ecclesie  
nauis oporteret.

In Parabola illa Euangelica, in qua de semi-  
nentio habetur, dictum est, inimicum ho-  
minem postquam Paterfamilias bonum semen  
in agro suo seminasset, dormientibus homini-  
bus zizania superseminasse; Cum dormirent ho-  
mines, venit inimicus homo & superseminauit  
zizania. O noxium somnum! o soporem infor-  
tunatum!

T 3 tunatum!

Dormien-  
tibus pra-  
latis da-  
mon ziza-  
nia semi-  
nat.

Matth. 13.

tunatum ! docemur hic Prælati & Episcopis dormientibus, diabolus discurre, inimicos latebris egressos omnia hæresum, vitiorum, dissolutionumque zizaniis replere, Ecclesieque agrum noxia semente conferere, in quem olim bona Euangelij sementis coniecta fuit.

§. Petrus  
quod vigi-  
lare non  
potuerit  
corripitur.

Matth. 26.

Apostolus Petrus pridie quam feralis passionis tragœdia perageretur, à Domino in Hortu oliuarum reprehenditur quod vigilare secum non potuerit, sed à somno victus succubuerit; audit enim, *Non potuisti vna hora vigilare mecum: Eheu, Pontifices, & Episcopi sancti veteri successores, eisdem Domini verbis coargueremini, acutè verborum aculeo taxari, quòd, Iuda insidias moliente, Christo in discrimine versante, Ecclesia afflictà, altum stertatis, Quid prælati! non possitis vna hora vigilare cum Christo?*

Apostolus  
Corinthi-  
os ad vigi-  
lantiam  
excitat.

1. Cor. 26.

2. Tim. 4.

Apostolus Corinthiis scribens ait, *vigilate, stete in fide, viriliter agite, & confortamini.* Cogitate vobis hæc per scripta esse, Sacerdotes, vigilate, stete in religione, viriliter agite, nec leues vos aut instabiles ostendite.

Inter cætera præcepta Catholicasque instructiones, quas Timotheo suo perscripsit idem Apostolus, *Tu verò vigila, in omnibus labora, opus fac Euangelistæ, ministerium tuum imple.* Idem vobis ut dicam, Sacerdotes, finite dormire seculares; vos verò, qui Ecclesie excubitores estis, custodes sponsi, noctes integras vigilando impendite, vigilate diligenter, in omnibus laborate, ministeriumque vestrum implete.

Vigilias A-  
postolus  
Petrus do-  
cet.

Pe. 5.

Apostolorum Princeps, & summus Iesu Christi in terra vicarius, fideles ad vigilandum adhortans ait, *fratres sobrii estote & vigilate, quia auerfaris*

versarius vester diabolus oravit quem deuoret.  
Quantum quidem colligere possum, vobis ma-  
gnus hic pontifex loqui videtur, Sacerdotes, e-  
ius momentis consiliis, obsecro, acquiescite, so-  
berietatem & vigilias confectemini, honestè  
vitam instituite, vosque ipsos circumspicite.  
Habetis enim inimicos qui semper in insidiis  
versantur, vosque vt deuorent, circumgyrant.

Beatus qui vigilat & custodit vestimenta sua  
ne nudus ambulet, & videant turpitudinem eius.  
Beatus inquam Religiosus & Sacerdos qui sem-  
per vigilat, quique vestimenta id est virtutes  
custodit, ne illis infelici quodam somno amif-  
tis nudus inuentatur, ac proinde nudus fugere  
timeatur, Dei sui gratia destitutus, omnesque il-  
lius peccatum, turpitudinem, flagitiaque com-  
missa videant.

Verè inquam vigilandum: nam, vt Patres  
non pauci testantur, nocte ad sapientiam nihil  
commodius: hac enim persapè de Deo cogita-  
mus, lectioni contemplationique diuinarum  
scripturarum vacamus, cantamus, Psallimus, &  
precibus Deum obsecramus. Vnde omnium suf-  
fragio certum est, noctem ad orandum, medi-  
tandum, aliaque sancta exercitia peragenda  
percommodum esse.

Dixit olim non inscitè Euripides, *Habent re-  
ligionem tenebra.* Nox enim & tenebrę deuotio-  
ni & pierati conciliandę conducunt, & ad san-  
cta religionis exercitia percommoda, maximè  
in Sacerdotibus.

Quam assiduè vigilabat Hieronymus! Hinc  
de se ipso scripsit alibi, *Consuetudinem meam no-  
ssi, breuissimo somno vtor, & quasi interuigila.*  
Sanctum hunc anachoretam imitamini Sacer-  
dotes

Beati qui  
vigilant.  
Apoc. 16.

Nox pro-  
pria ad o-  
randum.  
Cyrill. tero-  
sol. cate-  
chis. illumi-  
nat. 9. Ber-  
nard. serm.  
86. Basil. 6.  
rat. 2. de  
precat.  
In Bach.  
Nox habet  
religio-  
nem.  
Vigilabat  
assiduè  
S. Hiero-  
nymus.

T 4

dotes

dotes, moderatè dormite, horasque vestras discretè metiamini.

*Collat. 12.* Suadet religiosus Cassianus, non nisi quatuor  
Discretio horas dormiendum: at hic seruanda mediocri-  
in vigilan- tas & moderamen, tamque in vigilia quam in  
do adhi- somno prudenter agendum; si enim limites  
benda. transsiliant & excedant, vtrumque noxium est,  
& corpori detrimentum sanitatiq; adfert, id-

*Aphorism. 1. 2.* que ex mente Hippocratis. Quietem igitur ve-  
stram moderamini, Sacerdotes, horarum vi-  
gilia tum somni dirigite, extrema ne sequamini,  
sed anream mediocritatem sectemini.

*Bernard. ad* Circumspiciendum etiam est Sacerdotes,  
*fratres de* ne planè dormiatis, id est, ne somnus vester,  
*monte Dei.* non iam lenimentum & quies defatigatorum,  
*Sacerdo-* sed corporis suffocati soporatiq; sepulcrum  
*tum Som-* sit, & non iam ad corpus restaurandum viresq;  
*nus non sit* reparandas conducatur, sed eiusdem mors sit, &  
*profun-* ruina: *suspecta enim res est somnus, & magna ex*  
*du.* *parte ebrietati similis, docere hic Ecclesiasticus costat.*  
Religiosos voluit, non esse adeo profundè dor-  
miendum, vt quin corpore quiescente anima  
saltem vigilent.

*In Piman-*  
*dro.*

Nec satis est vigilare, sed conscientia etiam  
examinanda est. Nam vt Mercurius Trismegi-  
stus ait, *Deus, ipse mens, iussit vt homo mens par-*  
*ticeps seipsum animaduerneret.* Et sanè examina-  
hoc & excussio sui magni refert, atque Sacerdo-  
tibus maximè necessaria est.

Docebat  
S Petrus  
suos exa-  
minare  
conscienti-  
am.

*Epist. 1. ad*  
*Jacob.*

Magnus pontifex Clemens ait, Apostolum  
Petrum prædecessorem suum discipulos suos e-  
docuisse, singulis vt horis commissa hora præ-  
terita examinarent, de Deo vbiuis locorum co-  
gitarent, & animosè in Christo Iesu malas co-  
gitationes retunderent & comminuerent, Sa-  
cerdotique

verdoeique easdem reuelarent. Quod gloriosus apostolorum princeps suos edocebat discipulos, ab omnibus ipse crediderim esse faciendum, & imprimis à Sacerdotibus.

*Hom. 1. de insti. monach.*

Completo iam die, ait magnus Basilius, omnique opere tum corporis tum spiritus etiam absoluto, præclarè fiet si vnusquisque antequàm cubitum secedat cum animo suo conscientiam exquirat, num quid indignum aut nefarium fecerit cogitaritque, num in orando fuerit attentus, ac sibi præsens, si cum tædio cantauerit, si aliquo vitæ communioris desiderio flagrat. Et sanè euidens pietatis argumētū maximè dignū laude, si Sacerdotes die exacto negotiisque cōfectis conscientia statum excutiant, ut videant scilicet in quo offenderint, ac quomodo id poenitentia sint purgaturi.

Conscientiam vespertinam examinare præclarum.

*De interiori domo.*

*S. Bernardi doctrina.*

Disce præesse, ait S. Bernardus, vitam tuam ordinare mores tuos componere, temetipsum accusare nūquā excusare, te sæpius condēnare, vindictā poenitentemq; de te sumere. Hoc seruate Sacerdotes, vos ipsos ordinate, actiones vestras excutite, delicta corripite, negligetias castigate, iudices vestri & exactores estote, vitamque vestram excutite.

Item S. Basilij.

*De abdicatione rerum*

Melius quin etiam S. Basilius, studiose, inquit, operam dato, ut melior indies existas, idque fiet si quotidie qua egeris dixerisq; excusseris & examinaueris, cumq; antea acta vita contuleris. Egregium perfecto Sacerdotibus documētū, quo edocetur quotidiana opera examināda, ponderāda, Item magni Gregorij.

*Bona uent. de punit. consc. t. 1. l. 17.*

Item magni Gregorij.

Audiamus de eadem re loquentē Gregoriū Cogitationes, inquit, iustorum non nisi iudicia sunt; à mundi enim turbis & inquietudine

*Lib. 19. Moral. c. 13. & reuocan- l. 22. c. 9.*



reuocantes ad cor accedunt, ibique in rationis tribunali confidentes ob oculos sibi ponunt, tum se tum proximum, ac sententiam illam legis excutientes, *Quocūque vultis vt faciant vobis homines, & vos facite illis*; sicque districto iure atque iudicio causā suā & proximi iuxta tabulas diuinæ legis in foro cordis examinant. Omnia hæc edocere volunt, Sacerdotes si iusti haberi velint & probi, quotidie causam suam negotiaque propria examinare, factorumque iustitiam & æquitatem rigido examine in conscientia subsellijs exigere debere.

Id fecere etiam gentiles.

Seneca lib. 3. de irac. 36.

Nec solum id facere suadent Patres, sed etiam Ethnici, in quo Christiano dignè mihi locuti videntur: atque inter ceteros ait Seneca Sextium, magnū profectò in republica virum, consummato die se ad nocturnam quietem recepisse, animum suum interrogare solitum, dicentem, *Quid hodie commisisti? cui malo remedium opposuisti? quantum vitam emendasti tuam. Quid Ecclesiastici, an non infideles huius imitami, & prius quàm ad quietem vos componatis, ad eorum imitationem, transactæ diei commissæ excutietis? Scitote vero, si id diligenter præstiteritis & in eo perseveraueritis, indies vitam in melius commutaturos: ille siquidem malè agere non audeat, qui se quotidie coram iudice cogitat assistere debere.*

Vir bonus se quotidie examinet.

Virg. in vi. ra. bono.

*Vir bonus & sapiens, &c. ait Poëtarū princeps, Non prius in dulcem declinat lumina somnum, Omnia præterita quàm excusserit acta diei.* Equidem audacter post Poëtam hunc dixero, Sacerdotem virum bonum dici non posse, si quotidie actiones suas & consilia excutiendo conscientiam diligenter non examinet.

Quoti-

Quotidie bis precari solent, ait Philo Iudæ-  
 Christiani, mane ac sub vesperam: oriente Veterum  
 Deum orant, dies vt illis futurus feliciter Christia-  
 ndat, animæque cælesti lumine repleantur; oc. norum  
 edente verò ac sub diei occasum, vt animus <sup>consuetu-</sup>  
 do. ab omnibus negotijs diurnis iam liberatus, &  
 do. sensibus compositis, rerumque imaginariarum <sup>Lib. de vita</sup>  
 coere excusso, transactæ diei actiones exami- <sup>suppl.</sup>  
 net, inque domestico consistorio veritatem  
 exquirat. O sanctam piamque consuetudinem!  
 Hanc vos observate, Sacerdotes, hoc modo vi-  
 tum institute, veteres Christianos in hoc imite-  
 mini, rationem à vobis ipsis de omnibus actio-  
 nibus deposcite, & conscientias sedulò excu-  
 tite.

CAPVT XVII.

*Sacerdotes in cultu nitidi & honesti sint.*

Omnis veterum sanctorum diligentia eu-  
 raque imprimis in eo sita semper fuit, vt <sup>Veteres</sup>  
 Seraaphicus tradit Bonauétura, vt hominē inte- <sup>sancti vni-</sup>  
 riorē, qui regis sui imaginem ac Dei insignia <sup>co homini</sup>  
 præfert, quàm maximè excolerent, efforma- <sup>interiori</sup>  
 ret, seseque huic vni exornando totos dabant, <sup>ornando</sup>  
 cultu ornatuque exterioris hominis velut in- <sup>studebant.</sup>  
 ni, caduco, superfluoque neglecto. Horū exēplo <sup>In pharet. c.</sup>  
 Sacerdotes discant & Religiosi quamprimū <sup>4. c. 37.</sup>  
 vestium cultum superfluum, & quidquid ad ex-  
 ternum corporis ornamentum spectat con-  
 temnere, & interiori dumtaxat pulchritudini  
 adaugendæ, ad veterum imitationem studere.  
 Triæ sunt teste Sapiente quæ hominis in- In tribus  
 teriora prædunt, *Amictus corporis, & risus den-* homo co-  
*tiū, & incessus hominis enuntiant de illo.* Et sanè <sup>guoscitur.</sup>  
 tribus hisce argumentis exterioribus de in- <sup>Eccles. 7. 9.</sup>  
 terno